

2008/2023 EBAZPENA, 2023ko irailaren 20koa, Nafarroako Unibertsitate Publikoko errektorearena, 2023-2024 ikasturtean doktoretza-tesi bat UPPAren eta NUPen artean kotutoretzan egiteko prestakuntzaldiko ikertzaileak kontratatzeke deialdia onesten duena, eta horretarako gastua baimentzen duena.

Nafarroako Unibertsitate Publikoko Ikerketa Batzordeak, 2023ko abuztuaren 31n egindako bileran, Nafarroako Unibertsitate Publikoko doktoretza aurreko kontratuen 2023-2024 ikasturterako deialdia onestea erabaki zuen.

L' Université de Pau et des Pays de l'Adour (UPPA) izenekoak eta Nafarroako Unibertsitate Publikoak (NUP) sinatutako lankidetzaz hitzarmenaren esparruan, Nafarroako Unibertsitate Publikoko Ikerketa Batzordeak, 2023ko abuztuaren 31n egindako bileran, bi unibertsitateen arteko kotutoretzako doktoretza aurreko kontratu baterako deialdia onestea erabaki zuen.

Ikusirik 103/2019 Errege Dekretua, 2019ko martxoaren 1ekoa, Prestakuntzan dauden Doktoretza Aurreko Ikertzaileen Estatutua onesten duena.

Ikusirik Unibertsitateko Zerbitzu Juridikoak egin duen txostena.

Ikusirik Unibertsitateko Kontabilitate Atalak egin duen kreditu erreserbaren egiaztagiria.

Ikusirik Ikerketa Batzordearen proposamena, doktoretza aurreko kontratuen deialdiari buruzkoa.

Kontuak ikuskaturik eta aldeko fiskalizazioa eginik.

Nafarroako Unibertsitate Publikoaren Estatutuen 40. artikuluan esleituak ditudan eskudantziez baliatuz.

EBAZTEN DUT:

Lehenbizikoa.- Prestakuntzaldiko ikertzaileak kontratatzeke deialdia onestea. Deialdiaren oinarriak ebazpen honen eranskinean ageri dira. 2023-2024 ikasturtean UPPAren eta NUPen artean kotutoretzan doktoretza-tesi bat egin ahal izatea da helburua, doktoretza aurreko kontratu baten bidez, lansari hauekin:

- Kontratuaren lehenbiziko eta bigarren urteetan: 1.260,83 € gordinoko 14 lansari
- Kontratuaren hirugarren urtean: 1.350,89 € gordinoko 14 lansari
- Kontratuaren laugarren urtean: 1.688,62 € gordinoko 14 lansari

Bigarrena:- Deialdiaren kostu osoa 104.662,96 € da, betiere honako aurrekontuetako partida hauetan behar adina dirurik badago horretarako:

2023

320300013110 Prestakuntzan dauden ikertzaileak	1.470,97 €
320300016000 Gizarte Segurantzak	439,98 €
320300048123 Matrikularako laguntzak	323,35 €

2024

320300013110 Prestakuntzan dauden ikertzaileak	17.651,62 €
320300016000 Gizarte Segurantzak	5.279,81 €
320300048123 Matrikularako laguntzak	323,35 €

2025

320300013110 Prestakuntzan dauden ikertzaileak	17.756,69 €
320300016000 Gizarte Segurantzak	5.289,79 €
320300048123 Matrikularako laguntzak	323,35 €

2026

320300013110 Prestakuntzan dauden ikertzaileak	19.306,48 €
320300016000 Gizarte Segurantzak	5.486,71 €
320300048123 Matrikularako laguntzak	323,35 €

2027

320300013110 Prestakuntzan dauden ikertzaileak	24.779,53 €
320300016000 Gizarte Segurantzak	5.907,98 €

Hirugarrena.- Kontratuari hasiera emateko aurreikusitako data 2023ko urriaren 1a izanen da.

Laugarrena.- Aukera egonen da laguntzen zenbatekoa eta kopurua handiagotzeko, deialdia finantzatzeko aurrekontu handiagoa baldin badago.

Bosgarrena.- Ebazpen hau aditzera ematea Gizarte Kontseiluari, Ikerketako errektoreordeari, Nazioartekotzeko eta Lankidetzako errektoreordeari, Aurrekontuen eta Plangintza Ekonomikoaren Atalari, Kontabilitate Atalari, Giza Baliabideen Zerbitzuari, NADOEri, Graduondoko Bulegoari eta Kontu-hartzailetzari.

Seigarrena.- Ebazpen hau Nafarroako Aldizkari Ofizialean eta Nafarroako Unibertsitate Publikoaren egoitza elektronikoan argitara dadila agintzea. Halaber, Unibertsitateko baliabide elektronikoen bidez ahalik eta hedapen handiena izan dezan arduratuko da Ikerketa Zerbitzua.

Zazpigarrena.- Ebazpen honek administrazio bidea agortzen du, eta, bere aurka eta bere oinarrien aurka, zilegi da berraztertze errekurtsoa aurkeztea errektorearen aurrean, hilabeteko epean, edo, bestela, aukeran, administrazioarekiko auzi-errekurtsoa Nafarroako Administrazioarekiko Auzien Epaitegian, bi hilabeteko epean, biak ere Nafarroako Aldizkari Ofizialean argitaratu eta biharamunetik kontatzen hasita.

Iruñean, 2023ko irailaren 20an

Ramón Gonzalo García
ERREKTOREA

**PRESTAKUNTZALDIKO IKERTZAILEAK KONTRATATZEKO DEIALDIA, 2023-2024
IKASTURTEAN DOKTORETZA-TESIAK UPPA-REN ETA NUP-EN ARTEAN
KOTUTORETZAN EGIN DITZATEN**

2008/2023 Ebazpenaren eranskina

Université de Pau et des Pays de l'Adour unibertsitatearen (UPPA) eta Nafarroako Unibertsitate Publikoaren (NUP) artean sinatutako lankidetzarako esparru-hitzarmenaren testuinguruan, doktoretza aurreko kontratuak egiteko deialdi publiko bat jarri da abian, bi erakunde horietan doktoretza-tesi bana kotutoretzan egiteko. Deialdi hau NUPEk finantzatutakoari buruzkoa da.

Nafarroako Doktoretza Eskolako (EDONA) Zuzendaritza Komitearen A08/2019 erabakiaren bidez, doktoretza-tesiak kotutoretzan egiteko prozedura onetsi zen.

99/2011 Errege Dekretuak, 2011ko urtarrilaren 28koak, Doktoretzako Ikasketa Ofizialak arautzen ditu.

Hori guztia kontuan hartuz, doktoretza aurreko ikertzaileak prestatzeko laguntza baterako deialdi hau onestea proposatu du Ikerketa Batzordeak.

1.- Deialdiaren xedea

Deialdi honen xedea da NUPEk doktoretza aurreko kontratu bat finantzatzea doktoretza-tesi bat egiteko UPPAren eta NUPen artean kotutoretzan, bi erakunde horiek sinatutako esparru-hitzarmenaren barrenean.

NUPen indarrean den araudi akademikoa aplikatuz, doktoretza aurreko kontratua sinatu aurretik kotutoretza-hitzarmen bat sinatuko dute bi unibertsitateek, non xehetasun akademikoak jasoko baitira.

Deialdi hau oinarri hauetan xedatutakoak arautuko du, eta adierazitako zenbateko eta epeetan emanen da, betiere aurrekontu-zuzkidura nahikoa baldin badago.

2.- Baldintzak

2.1.- Izangaiek bete beharrekoak.

a) Eskatzaileek Nafarroako Unibertsitate Publikoko doktoretza-programa batean onartuak egon behar dute laguntza eskatzeko epean.

NUPEko doktoretza-programa batean onartuak ez badaude, NUPEko doktoretza-programa baterako onarpena eskatua izan behar dute eskaerak aurkezteko epearen barnean, eta, gainera, Nafarroako Unibertsitate Publikoko doktoretza-programaren batera sartzeko gaitzen duten aurretiazko ikasketak izan beharko dituzte.

Laguntza esleitzeko hautatua izanez gero, eskatzaileak 2023-2024 ikasturterako Nafarroako Unibertsitate Publikoaren doktoretza-programa batean matrikula egin duela egiaztatu beharko du laguntzaren behin betiko esleipena argitaratzen denean ezartzen den epean.

b) Eskatzaileek egiaztatu beharko dute ingeleseko edo frantseseko gutxienez B1 maila dutela laguntza emateko behin-behineko ebazpenen zehazten den egunean, dela ziurtagiri ofizial baten bidez, dela maila-proba bat eginez NUPEko Hizkuntzen Goi Mailako Ikastegian.

c) Doktoretza-titulurik ez izatea.

d) Doktoretza aurreko laguntzarik edo kontraturik eduki ez izana 12 hilabetez edo gehiagoz.

Eskatzailea 12 hilabete baino gutxiagoko laguntza homologagarri baten onuraduna izan bada, murriztu egingen da deialdi honetan jasotako doktoretza aurreko kontratuaren eta bere luzapenen gehieneko iraupena kontratatua egon den denboran (hilabeteak eta egunak), Zientziaren Legearen 21. artikuluan ezarritakoarekin bat etorriz.

Murrizketa hori kalkulatzeko, kontuan hartuko da eskatzailea zenbat denbora egon den kontratatua deialdi honetako doktoretza aurreko kontratua formalizatzen den egunera arte.

2.2.- Tesiaren zuzendarikideek bete beharreko baldintzak

Eskatzaileek zuzendarikide bat izan behar dute NUPen eta beste bat UPPAn. Eskaera NUPeko zuzendarikideak babestuko du, laguntzaren zuzendaria den aldetik, eta Unibertsitatearekin lotura izan beharko du doktoretza aurreko kontratuak irauten duen bitartean. NUPeko zuzendarikideak ezin izanen da aldi berean zuzendari aritu UPPArenetik kotutoretzako tesi batean baino gehiagotan.

3.- Laguntzen araubide juridikoa.

3.1.- Laguntzen onuradunen eskubideak eta betebeharrak deialdi honetan ezartzen direnak izanen dira, eta Prestakuntzan dauden Ikertzaileen Estatutuetan ezartzen den beste edozein (2019ko martxoaren 1eko 103/2019 Errege Dekretuak onetsitako estatutuak).

3.2.- Zientziari, Teknologiari eta Berrikuntzari buruzko 2011ko ekainaren 1eko 14/2011 Legearen 21. artikuluan ezarritakoak arautuko ditu doktoretza aurreko kontratuak.

3.3.- Kontratatutako pertsona bere laguntza-zuzendariaren ikerketa-talde eta -institutu berari esleituko zaio.

3.4.- Deialdi honetan jasotzen diren laguntzek ez dute inolaz ere konpromisorik ezartzen onuradunak gerora Nafarroako Unibertsitate Publikoko plantillan sartzeko.

3.5.- Deialdi honen babesean laguntza bat jasotzea bateraezina da funts publiko edo pribatuekin finantzaturiko beste laguntza edo beka batzuekin, bai eta laguntzaren onuradunari kontratu edo estatutu lotura ekartzen dioten soldata edo lansariekin ere. Nolanahi ere, badira salbuespen batzuk, betiere Ikerketako errektoreordeak horretarako baimena ematen badu:

- Prestakuntzan dauden ikertzaileek egiten duten ikerketa-jarduerarekin zuzenki loturik dauden ikerketa- edo irakaskuntza-lanetatik datozen ordainsariak, bai eta beste hauetatik datozen osagarriekin ere: I+G proiektuetako parte-hartze baimenduak, eta 2001eko abenduaren 21eko Unibertsitatei buruzko 6/2001 Lege Organikoa aplikatuz egindako kontratuak (2007ko apirilaren 14ko 4/2007 Lege Organikoa aldatu zuen aipatu legea).
- Ikertzaileen mugikortasuna eta prestakuntza sustatzeko laguntza osagarriak.
- Bestelako jarduerengatik noizean behin jasotako laguntzak, betiere Ikerketako errektoreordearen ustez emandako laguntzaren xedea garatzeari traba egiten ez badiote.

4.- Eskaeren aurkezpena

Eskabideak bitarteko elektronikoen bidez soilik aurkeztu beharko dira, Unibertsitateko Erregistro elektronikoan, prozeduren katalogoan ezarritako prozeduraren bidez.

Prozedura horietara sartzeko, Unibertsitatearen egoitza elektronikora sartu behar da esteka honen bitartez:

<https://sedeelectronica.unavarra.es/sede/zerbitzu-katalogoa/guztiak/uppa-nup-kotutoretza-doktoretza-aurreko-laguntza?languageId=100001>

Eskabideak aurkezteko epea 15 lanegunekoa da, Nafarroako Aldizkari Ofizialean argitaratzen den egunaren biharamunetik kontatzen hasita. Eskaerak aurkezteko epea ezin izanen da luzatu.

Eskatzen diren betebeharrak eskaerak aurkezteko epea bukatzen denean bete beharko dira.

5.- Eskaera egiteko inprimakiak eta dokumentazioa:

Eskatzaileek honako agiri hauek aurkeztu behar dituzte:

- a) Inprimaki normalizatua, Nafarroako Unibertsitate Publikoaren egoitza elektronikoaren prozeduren katalogotik jaisten ahaliko dena.
Eskaera bete eta gero, izenpeturiko ale bat aurkeztu beharko da Nafarroako Unibertsitate Publikoko erregistro elektronikoan, kasu bakoitzean eskatzen diren dokumentuekin batera.
- b) Eskatzailearen curriculum vitae eta merezimenduen egiaztagiria.
- c) Nortasun Agiri Nazionalaren, Atzerriarraren Identifikazio Zenbakiaren edo pasaportearen fotokopia.
- d) Ikasketen ziurtagiriaren fotokopia, doktoretzarako sarbidea ematen dieten ikasketena eta, masterraren kasuan, alde aurreko ikasketena. Horietan, lortutako kalifikazioak eta noiz lortu diren zehaztuko dira. Nafarroako Unibertsitate Publikoko tituludunek ez dute dokumentu hori aurkeztu beharko.
- e) Doktoretzan sartzeko ikasketetako eta, masterra bada, aurreko ikasketetako promozioaren batez besteko notaren ziurtagiria. Nafarroako Unibertsitate Publikoko tituludunek ez dute dokumentu hori aurkeztu beharko.
- f) Doktoretza-ikasketak egiteko sarbidea ematen duen tituluaren fotokopia. Nafarroako Unibertsitate Publikoko tituludunek ez dute dokumentu hori aurkeztu beharko.
- g) Ingeleseko edo frantseseko B1 mailaren egiaztagiria.

Deialdi honen oinarrietan interesdunei eskatutako dokumentazioa Nafarroako Unibertsitate Publikoaren eskuetan baldin badago jada, ez dira dokumentazio hori aurkeztera behartuak egonen, baina hala dela adierazi beharko dute idazki batean. Idazki horretan, zein dokumentu den eta zein egunetan eta zein administrazio unitatetan aurkeztu zen identifikatu behar dute.

Masterra 2022-2023 ikasturtean amaitu duten ikasleen kasuan aurreko ikasturteko promozioaren batezbestekoa onartuko da 2022-2023 ikasturtekoa egiaztatzen ez bada.

Atzerriko ikastegiekin ematen dituzten kalifikazioen ziurtagirietan, dagokion ebaluazio sistemaren barruan kalifikaziorik handiena eta txikiena zein izan diren agertuko da, baita gainditzeko gutxieneko kalifikazioa zein den ere.

Eskatzaileek ikasketak atzerrian egin badituzte, Unibertsitate Ministerioak egindako noten baliokidetasuna aurkeztu beharko dute gainera. Baliokidetasun hori hemen eskatzen ahal da:

<https://www.universidades.gob.es/equivalencia-de-notas-medias-de-estudios-universitarios-realizados-en-centros-extranjeros/>

Ziurtagiri horiek ez badira aipatutako edukiarekin eta adierazitako epean aurkezten, kalifikazioak ez dira kontuan hartuko. 0 punturekin baloratuko dira.

Agiri akademikoak gaztelania, euskara, ingelesa edo frantsesa ez den hizkuntza batean idatzita badaude, hizkuntza horietako batera egindako zinpeko itzulpena erantsi beharko da.

6.- Hautapen Batzordea

Hautapen Batzordea osatuko dute Ikerketako errektoreordeak edo hark eskuordetutako pertsonak, zeina batzordeburu arituko baita, eta batzordekide hauek:

- Ikerketaren Arloko zuzendaria.
- Nazioartekotzearen Lankidetzaren Arloko zuzendaria.
- NADOEko zuzendaria.
- Laguntzen eta Deialdien Ataleko burua.
- UPPA erakunde laguntzaileko ordezkari bat.

7.- Hautaketa egiteko irizpideak

Atal honetan ezarritakoari jarraikiz hautatuko ditu Hautapen Batzordeak izangaiak:

- Izangaiak doktoretza-programan sartzeko aurkeztu duen titulazioaren espedientearen batezbestekoa: 50 puntu gehienez ere.

Batez besteko nota ponderatua honela kalkulatu da:

$$\text{Nota ponderatua} = \frac{IN + 5 + DN}{2}$$

Non IN ikaslearen batez besteko nota den eta DN, berriz, INaren desbideratze normalizatua promozioaren batez besteko notarekiko (NT). Izangai bakoitzaren DNaren balioa lortzeko, bere IN-NT desbideratzea zati bere arloan onartutako izangaien IN-NT desbideratzerik altuena (Dmax) bider 5 egin behar da, hots: $DN=5(IN-NT)/D_{max}$.

Aurkeztutako espediente onena zein den kalkulatzeko, prozedura bera jarraitu behar da, baina kasu horretan Dmax arlo guztietan onartutako izangai guztien IN-NT desbideratzerik altuena izanen da.

Nafarroako Unibertsitate Publikoko ikasleek ez dute aurkeztu beharko informazio hau, Laguntza Akademikorako eta Ikasleen Gaietarako Zerbitzuak emanen baitu. Nafarroako Unibertsitate Publikoko ikasle guztiei aplikatuko zaie ezarri den ponderazio formula.

Beste unibertsitate batzuetatik datozen ikasleen kasuan, haien ardura izanen da behar den dokumentazioa aurkeztea aipatutako ponderazio formula aplikatzeko.

Promozioko batez besteko notaren (NT) ziurtagiririk aurkezten ez duten eskatzaileei lortu nahi duten laguntzako eskatzaileei aplikatutako notarik altuena aplikatuko zaie promozioko batez besteko nota gisa.

Masterreko ikasketen kasuan, doktoretza-programan sartzeko erabiltzen den masterraren eta master horren aurreko ikasketen batezbesteko ponderatua kalkulatu da, titulazio bakoitzari dagozkion kredituen arabera.

Aurreko batezbestekoa kalkulatu eta gero, espediente guztiak normalizatuko dira laguntza bakoitzean. 50 puntu emanen zaizkio espediente onenari, eta gainerakoak normalizazio faktore berarekin biderkatuko dira.

Laguntza eskatzeko inprimakian doktoretzako ikasketetara zein titulazioren bidez sartzen den adieraziko da, eta titulazio horren arabera kalkulatu da espediente akademikoaren batezbestekoa. Master baten bidez sartzen bada, masterra egin baino lehenagoko unibertsitate titulazioa ere hartuko da kontuan.

Espediente akademikoaren batez besteko nota 0tik 10era bitarteko eskalan kalkulatu da, kredituen sistema europarra eta lurralde nazional osoan ofizialak eta baliodunak diren unibertsitate titulazioetako kalifikazio sistema arautzen duen 2003ko irailaren 5eko 1125/2003 Errege Dekretuaren 5. artikulua ezartzen duenaren arabera.

$$\frac{\Sigma(\text{irakasgaiaren kreditu kopurua} \times \text{nota})}{\text{titulazioaren kreditu kopurua guztira}}$$

1044/2003 Errege Dekretua ere aplikatu da, 2003ko abuztuaren 1ekoa, Unibertsitateek tituluaren Europako gehigarria emateko prozedura ezartzen duena.

Baliokideturiko irakasgai edo kredituei “Gaingitua” kalifikazioa emanen zaie, egokitutako irakasgai edo kredituei jatorrizko kalifikazioa emanen zaie, eta, kalifikaziorik gabeko kredituak aitortuta edukiz gero, hori ez da kontuan hartuko batez besteko nota kalkulatzeko.

Espedientean kalifikazio kualitatiboa baizik jaso ez bada, baliokidetasun hau aplikatu daio:

Ohorezko matrikula	10
Bikain	9,25
Oso ongi	7,75
Gaingitua	5,75

Eskatzaileek espediente akademikoaren batez besteko nota adierazi behar dute, beren jatorrizko erakundeak informazio hori ez badu espedientean sartzen. Kalkuluan akats esanguratsuren bat detektatuz gero, hura egiaztatzeko edo argitzeko eskatu daie. Garaiz eta forman egiaztatzen ez bada, laguntza ukatzeko arrazoi nahikoa izan daiteke.

- | | |
|--|-------------------|
| b) Eskatzailearen curriculumak | 20 puntu gehienez |
| 1. Ikerketa-proiektuetan eta argitalpenetan parte hartzea | 4 puntu gehienez |
| 2. Biltzarretan parte hartzea | 4 puntu gehienez |
| 3. Ikastaroak | 4 puntu gehienez |
| 4. Mugikortasuna | 4 puntu gehienez |
| 5. Hizkuntzak | 4 puntu gehienez |
| c) Frantsesa eta gaztelania jakitea | 10 puntu gehienez |
| 1. Ama-hizkuntza gaztelania duten edo Espainiako nazionalitatea duten eskatzaileek frantsesa jakitea | 10 puntu gehienez |

2. Ama-hizkuntza frantsesa duten edo Frantziako nazionalitatea duten eskatzaileek gaztelania jakitea
10 puntu gehienez
3. Ama-hizkuntza ez frantsesa ez gaztelania ez duten eskatzaileek edo Espainiako edo Frantziako nazionalitatearik ez dutenek frantsesa eta gaztelania jakitea
10 puntu gehienez

8.- Eskaeren tramitazioa eta ebazpena.

8.1.- Eskaerak aurkezteko epea amaituta, gehienez ere hilabeteko epean, tramitera onartutako eta eskatutako laguntzarako ezarritako eskakizunen bat ez egiaztatzeagatik edo eskatutako dokumentazioa ez aurkezteagatik baztertutako eskatzaileen behin-behineko zerrenda onetsiko da, Ikerketako errektoreordearen ebazpenaren bidez. Ebazpen hori Nafarroako Unibertsitate Publikoaren egoitza elektronikoko iragarki-ohol elektronikoa argitaratuko da. Ebazpen horretan 5 egun balioduneko epea emanen zaie eskatzaileei, ebazpena argitaratu eta hurrengo egunetik zenbatzen hasita, hautemandako akatsak zuzendu edo erreklamazioa aurkez dezaten. Ezarritako epean egin ezean, eskaera ez da tramitera onartuko.

8.2.- Hautapen Batzordeak aurkeztutako erreklamazioak ebatziko ditu, eta Ikerketako errektoreordeari bidaliko dio tramitera onartutako eta baztertutako eskaeren behin betiko proposamena.

Ikerketako errektoreordearen ebazpenaren bidez, onartutakoen eta baztertutakoen behin betiko zerrenda onetsiko da. Ebazpen hori Nafarroako Unibertsitate Publikoaren iragarki-ohol elektronikoa argitaratuko da, eta, haren aurka, zilegi da berraztertzeo errekurtoa aurkeztea errektoreari zuzendua, hilabeteko epean, edo, bestela, aukeran, administrazioarekiko auzi-errekurtoa Nafarroako Administrazioarekiko Auzien Epaitegian, bi hilabeteko epean, Nafarroako Unibertsitate Publikoaren egoitza elektronikoko iragarki ohol elektronikoa argitaratu eta biharamunetik kontatzen hasita.

8.3.- Onartutakoen eta baztertutakoen behin betiko zerrenda onesten duen ebazpena argitaratu eta bi hilabeteko epean gehienez ere, puntuazioak eta laguntzen behin-behineko esleipen proposamena onetsiko dira Ikerketako errektoreordearen ebazpen baten bidez. Ebazpena Unibertsitatearen egoitza elektronikoko iragarki-ohol elektronikoa argitaratuko da, eta gehienez ere 5 egun balioduneko epea izanen dute interesdunek erreklamazioak aurkezteko, ebazpena argitaratu eta biharamunetik kontatzen hasita.

8.4.- Hautapen Batzordeak erreklamazioak ebatziko ditu, eta puntuazioak eta behin betiko esleipen proposamenak onetsiko, eta behar den proposamena bidaliko dio Ikerketako errektoreordeari.

Ikerketako errektoreordearen ebazpenaren bidez, deialdi honetako laguntzen behin betiko puntuazioak eta esleipenak onetsiko dira. Ebazpen hori Unibertsitatearen egoitza elektronikoko iragarki-ohol elektronikoa argitaratuko da, eta, haren aurka, zilegi da berraztertzeo errekurtoa aurkeztea errektoreari zuzendua, hilabeteko epean, edo, bestela, aukeran, administrazioarekiko auzi-errekurtoa Nafarroako Administrazioarekiko Auzien Epaitegian, bi hilabeteko epean, argitaratu eta biharamunetik kontatzen hasita.

8.5.- Unibertsitatearen iragarki-ohol elektronikoa argitaratzea.

<https://sedeelectronica.unavarra.es/sede/iragarki-ohol-elektronikoa?opcion=2>

Nafarroako Unibertsitate Publikoaren iragarki-ohol elektronikoa argitaratzea da Unibertsitateak onarturiko publizitate tresna bakarra. Hala ere, interesdunei posta elektronikoz jakinarazten ahalko zaie, modu osagarrian eta ez-ofizialean.

9.- Doktoretza aurreko kontratuaren helburua eta baldintzak.

9.1.- Laguntzaren xedea doktoretza aurreko kontratu bat gauzatzea izanen da, doktoretza-tesi bat kotutoretzan egiteko. Ezin izanen da kontratua sinatu tesia gordailutu edo defendatu duten eskatzaileekin, eta, horrenbestez, deialdi honetatik kanpo uztea edo, hala badagokio, laguntza ukatzea ekarriko du horrek.

9.2.- Kontratuaren helburua da Nafarroako Unibertsitate Publikoaren doktoretza-programa batean onartuak izateko aukera ematen dien titulua dutenek ikerketa-lanak egitea proiektu espezifiko eta berritzaile baten barnean. Kontratatuak prestakuntzan dauden doktoretza aurreko ikertzaileak izanen dira.

Prestakuntzan dagoen doktoretza aurreko ikertzaileak, langilea denez, eta Nafarroako Unibertsitate Publikoak, lana ematen duena denez, gauzatuko dute kontratua. Kontratuari doktoretza-programan onartua dela adierazten duen agiria erantsiko zaio, programaren arduradunak emana, edo doktoretza edo graduondoko eskolak, hala badagokio. Kontratuek eta luzapenek lau urte iraunen dute gehienez.

Kontratua lanaldi osokoa izanen da, eta lau urteko iraupena izanen du. Beharrezkoa izanen da urtero doktoretza-programako Irakaskuntza Batzordeak aldeko txostena egitea, edo, bestela, doktoretza-eskolak, ikertzaileak programan irauten duen bitartean. Doktoretza-tesia eta doktoretza-programako matrikula arduraldi osokoak izanen dira.

Doktoretza-titulua lortzeak amaiera emanen dio ikertzaileen prestakuntza-etapari, eta, une horretatik aurrera, doktoretza ondoko etapari heltzen ahalko zaio, zeinak, gehienez ere hamabi hilabetez, doktoretza-ondoko orientazioa ematea izanen baitu xede. Nolanahi ere, kontratuaren iraupena ezin izanen da aurreko paragrafoan adierazitako gehienekoa baino luzeagoa izan.

9.3.- Laguntza emateko aldia honako kasu hauetan bukatuko da:

- Laguntza emateko gehieneko epea betetzen denean, luzapen guztiak barne.
- Doktoretza-programan egoteko aldia bukatzen denean edo doktoretza-programan matrikulatuta ez badago.
- Doktoregaiak doktoretza-programako Batzorde Akademikoaren aurkako txostena jasotzen badu.
- 12. artikuluan jasotako baldintzak betetzen ez badira eta horrek Ikerketa Batzordearen iritziz laguntza amaitzea ekartzen badu.

9.4.- Doktoretza aurreko kontratuak lau urteko iraupena du gehienez ere, eta bitarte horretan laguntzen zenbatekoak ez du gaindituko 2019ko martxoaren 1eko 103/2019 Errege Dekretuaren 7. artikuluan ezarritakoa.

- Kontratuaren lehenbiziko eta bigarren urteetan: 1.260,83 € gordinoko 14 lansari
- Kontratuaren hirugarren urtean: 1.350,89 € gordinoko 14 lansari
- Kontratuaren laugarren urtean: 1.688,62 € gordinoko 14 lansari

Hileroko kopuru horretatik nahitaezko kotizazioari dagokion kuota kenduko da, eta Unibertsitateak bere gain hartuko ditu Gizarte Segurantzako enpresa-kuotak, lege indardunetan ezarritako moduan.

10.- Matrikularen gastuetarako laguntza

Laguntza honen onuradunak laguntza gehigarri bat izanen du doktoretza-ikasketen ondoriozko matrikula gastuak finantzatzeko: tutoretza akademikoko matrikula Nafarroako Unibertsitate Publikoan.

Laguntza hori 2023-2024 ikasturtetik aurrera aplikatuko da, eta indarrean den bitartean doktoretza aurreko ikertzailea kontratatzeko balioko du.

11.- Mugikortasunerako laguntzak

Laguntza honen onuradunak laguntza gehigarri bat izanen du kotutoretza lortzeko beharrezkoa den 6 hilabeteko egonaldiaren ondoriozko gastuak finantzatzeko.

Laguntzaren zenbatekoa aurrekontuan dagoen diruaren arabera izanen da, eta egonaldia egin baino hiru hilabete lehenago zehaztuko da. Horretarako, egonaldia egingen dela jakinarazten den unean indarrean den Ikerketarako Agentzia Nazionalaren doktoretza aurreko kontratuen deialdian ezarritako gehieneko zenbatekoak hartuko dira erreferentzia moduan.

12.- Onuradunen betebeharrak

12.1.- Onuradunak laguntza onartzeak deialdi honetan ezarritako arauak onartzea dakar berekin, bai eta Nafarroako Unibertsitate Publikoak laguntzen jarraipen zientifikorako ezartzen dituenak ere.

12.2.- Onuradunek honako hauek bete beharko dituzte:

- a) Doktoretza-tesia NUPen eta UPPAren arteko nazioarteko kotutoretzan egiteko hitzarmen bat sinatzea.
- b) NUPen eta UPPAren doktoretza-programa batean matrikulatzea laguntza emateko ebazpenean adierazten den epean eta unibertsitate bakoitzak eskatzen dituen baldintza akademikoak betetzea.
- c) Laguntzaren helburuko ikerketa-lana egiteko xedez, laguntza emateko ebazpenean edo kontratuan adierazten den egunean bertan sartzea Nafarroako Unibertsitate Publikoan, eta, orduan sartzen ez badira, laguntzari uko egiten diotela ulertuko da. Halaber, laguntzari uko egiten zaiola ulertuko da Giza Baliabideen Zerbitzutik kontratua sinatzeko jakinarazpena jaso eta 5 eguneko epean sinatzen ez bada. Ikerketako errektoreordeak, interesdunak eskatuta, laguntzaren zuzendariaren oniritziarekin, sarrera atzeratzeko baimena ematen ahal du, horretarako larritasun handiko arrazoiak daudenean. Bateriaezintasun egoerak ez dira ezinbesteko kausatzat jotzen lanean hasteko eguna atzeratzeko. Ikertzailearen batek lan-baimena ematen duen bizileku-baimena eskuratu behar badu, 4 hilabeteraino luzatzen ahal da jardunean hasteko epea.
- d) Esleituriko ikerketa-taldean eta -institutuan beren lana aprobetxamenduz egitea.
- e) Gutxienez 6 hilabete iraunen duen egonaldi bat egitea UPPAn.
- f) Laguntzarekin lotutako lana garatzean lortu dituzten informazio zientifikoak edo teknikoak ez zabaltzea, laguntzaren zuzendariaren baimenik ez badute.
- g) Egindako jarduerari buruz eskatzen zaizkion txostenak bidaltzea laguntzaren zuzendariari eta Nafarroako Unibertsitate Publikoko Ikerketako errektoreordeari.
- h) Doktoretza-programako Batzorde Akademikoaren urteroko aldeko txostena edukitzea. Ebaluazioa aldekoa ez bada, kontratua deuseztatu egingen da, 15 egun lehenago jakinarazita.
- i) Urtero, eskatzen zaien epean, lan bizitzaren ziurtagiri eguneratua aurkeztea.
- j) Laguntzak irauten duen aldiaren epean argitalpen guztietan eta ikerketa-jardueretatik eratorritako beste emaitza guztietan agerraraztea Nafarroako Unibertsitate Publikokoak direla eta Nafarroako Unibertsitate Publikoak finantzatu dituela.
- k) Ikerketa-emaitza guztiak sarbide irekian jartzea, NUPen Academia-e gordailu instituzionalean gordez argitaratutako artikulua guztien kopia bat edo argitaratzeko onartu den azkeneko bertsioaren kopia bat (postprint bertsioarena), artikulua argitaratzen denetik sei hilabetera gehienez ere.

Ahal dela, halaber, ikerketan sortutako datuak ikerketako datuen biltegi batean gordeko dira.

Hona hemen gai horri buruzko xehetasun gehiago:

<https://www.unavarra.es/biblioteca/ikerketarako-laguntza/sarbide-irekia?languageId=100001>

- l) Laguntzaren aldia behin betiko bukatu ondoren, egindako lanaren azken oroitidazkia aurkeztea, laguntzaren zuzendariak ontzat emana eta lan bizitzaren ziurtagiriarekin batera. Doktoretza-tesiaren defentsa eta onarpena egiaztatzeak txostena aurkeztea ordezkatu du.
- m) Doktoretza-tesia defendatzea eta gainditzea gehienez ere doktoretza aurreko kontratuaren hasiera egunetik lau urteko epean.
Ikerketako errektoreordeak betebeharrak betetzeko epea luzatuko du, interesdunak aurretiaz eskaera arrazoitua aurkezten badu, laguntzaren zuzendariak ontzat emana eta NADOEren aldeko txostenarekin.

12.3.- Deialdi honetan aipatzen diren betebeharrak ez betetzeak, bestalde, emandako laguntza ukatzea eta baliogabetzea ekarriko du, eta bidegabeki jasotako diru-kopuruak itzuli behar izatea, hala badagokio, dirulaguntzak emateko, kudeatzeko eta kontrolatzeko araubide orokorra arautzen duen 2005eko azaroaren 9ko 11/2005 Foru Legean ezarritakoarekin bat etorritz.

12.4.- Erdietsitako laguntzari uko egiten diotenek laguntzaren zuzendariaren sinadura daukan idazkia bidaliko diote Ikerketako errektoreordeari, eta, bertan, horretarako arrazoiak eman. Laguntzari uko egiteko eskaerak ondorio-eguna baino 7 egun lehenago aurkeztu behar dira beranduenez.

Deialdi honetako gainerako eskatzaileek beteko dituzte kontratua hasi eta hurrengo 3 hilabeteetan gertatzen diren bajak eta uko egiteak, laguntzak emateko behin betiko ebazpenean onetsitako balorazioan ezarritako ordenaren arabera betiere.

12.5.- Laguntza hauen onuradunek Nafarroako Unibertsitate Publikoari lagatzen dizkiote laguntzaren helburu den ikerketa-jardueraren ondorioz sortzen diren emaitzei legozkiekeen eskubideak. Unibertsitateak laguntzen onuradunei egile eskubideak aitortuko dizkie, lortzen lagundu duten emaitzen gainekoak, Unibertsitateko kontratupeko ikertzaileei edo ikertzaile funtzionarioei dagozkien baldintza berdinetan betiere.

13.- Onura sozialak

Sinatutako kontratuari dagozkion lan arloko eta arlo sozialeko onurak edukiko dituzte laguntzen onuradunek.

14.-Laguntzak etetea.

Laguntza hauen onuradunek eskubidea edukiko dute Gizarte Segurantzaren erregimeneko prestazioak jasotzeko, deialdian azaltzen den moduan, Gizarte Segurantzari buruzko Legearen Testu Bateratua onesten duen 1994ko ekainaren 20ko 1/1994 Legegintzako Errege Dekretuan ezarritakoekin bat, haien sorburu diren gorabeherak irautean duten artean. Baimenei dagokienez, Langileen Estatutuak eta aplikatzekoak diren lege indardunek ezarritakoari jarraituko zaio.

Zientziari, Teknologiari eta Berrikuntzari buruzko 2011ko ekainaren 1eko 14/2011 Legearen 21.c) artikuluan ezarritakoarekin bat etorritz, honako egoeretan eten egingen da kontratuaren denboraren konputua: arrisku handiko haurdunaldia, amatasuna, adopzioa edo harrera, arriskua bularra ematean, aitasuna eta aldi baterako ezgaitasuna bi hilabetez jarraian. Kasu horietan, kontratua luzatzeko eskatzen ahalko da, kontratuaren konputua etetea arrazoiak iraun duen denboran. Luzapen hori egiteko beharrezkoa izanen da behar adinako aurrekontua egotea. Eskaera Unibertsitateko Erregistro Orokorrean aurkeztuko da, kontratua amaitu baino bi hilabete lehenago beranduenez.

15.- Irakaslanetako lankidetzak

15.1.- Laguntza hauen onuradunek baimena eskatzen ahal dute unibertsitateko sail batean irakaskuntza-lanetan laguntzeko, prestakuntzarako xedez, betiere laguntzaren zuzendaria eta ukitutako saileko zuzendaria ados badaude. Urtean gehienez ere 60 ordu hartzen ahal ditu lankidetzak horrek, eta gehienez ere 180 ordu kontratuak gehienez irauten ahal duen lau urteetan.

15.2.- 2022ko apirilaren 12ko Gobernu Kontseiluak onetsitako prozeduraren arabera eskatuko da baimena, eta behar den inprimaki normalizatua aurkeztuko da Laguntza Administrazioarako Unitatean, aipatu prozeduran ezarritakoaren arabera.

16.- Datuen babesa

Parte-hartzaileek deialdi honetan ematen dituzten datu pertsonalak arau hauen arabera tratatuko dira: Datuak Babesteko 2016/679 EB Erregelamendu Orokorra eta Datu Pertsonalak Babesteari eta eskubide digitalak bermatzeari buruzko 3/2018 Lege Organikoa.

Tratamendu honen xedea ikerketaren kudeaketa administratiboa da, eta oinarri juridikoa, berriz, interes publikokoa izatea, Datuak Babesteko 2016/679 EB Erregelamendu Orokorren 6.1.e) artikularen arabera. Ikertzaile gazteei prestakuntza emanen zaie prestakuntzaldian dauden ikertzaileentzako laguntzen deialdia eginez. Tratamenduaren arduraduna Nafarroako Unibertsitate Publikoa da (NUP), eta interesdunek eskubidea dute datuak eskuratzeko, zuzentzeko eta ezabatzeko, bai eta beste eskubide batzuk ere, delegado.protecciondatos@unavarra.es helbideaz baliatuz, Datu Pertsonalak Babesteari eta eskubide digitalak bermatzeari buruzko 2018ko abenduaren 5eko 3/2018 Lege Organikoko 12. artikulutik 18. artikulura bitartean ezarritakoaren arabera

NUPek identifikazio- eta harreman-datuak, sinadura, merezimenduen zerrenda eta titulazioari, kalifikazio akademikoari, curriculumari eta ikerketa-jarduerari buruzko datuak tratatuko ditu. Era berean, zer laguntza esleitu diren eta horien onuradunak nor diren NUPen webgunean argitaratuko da, aurreikuspenen arabera. Azkenik, bankuko datuak ere tratatuko dira onuradunei ordaintzeko egiteko.

17.- Argitalpena

Deialdi hau Nafarroako Aldizkari Ofizialean argitaratuko da, baita Unibertsitatearen iragarki-ohol elektronikoan ere.

18.- Baliabideak

Deialdi hau onesten duen ebazpenaren aurka eta deialdiko oinarrien aurka, zilegi da berraztertzeko errekurtsua jartzea errektoreari zuzendua hilabeteko epean, edo administrazioarekiko auzi errekurtsua Nafarroako administrazioarekiko Auzietako Epaitegian bi hilabeteko epean, biak ere Nafarroako Aldizkari Ofizialean argitaratu eta biharamunetik kontatzen hasita.

I. ERANSKINA

ESKATZAILEAREN MEREZIMENDUEN BAREMOA

Izangaiaren merezimenduak: 20 puntu gehienez ere:

Ikerketa-proiektuetan eta argitalpenetan parte hartzea	4 puntu
Biltzarrak	4 puntu
Ikastaroak	4 puntu
Mugikortasuna	4 puntu
Frantsesa/gaztelania ez diren hizkuntzak	4 puntu

	EKARPENA	PUNTUAK	KATEGORIA	
1	Nazioarteko aldizkarietako artikulua.	1,6	Argitalpenak eta proiektuak	Gehieneko normalizatua 4
2	Nazioarteko liburuak, osorik	1,6		
3	Liburu nazionalak, osorik, edo nazioarteko liburuetako kapituluak	0,8		
4	Estatuko aldizkarietako artikulua edo estatuko liburuetako kapituluak	0,4		
5	Beste argitalpen batzuk.	0,2		
6	Europar Batasuneko proiektuetan parte hartzea	1		
7	Plan Nazionaleko edo asimilatuetako proiektuetan parte hartzea	0,75		
8	Autonomia Erkidegoko proiektuetan parte hartzea	0,5	Biltzarrak	Gehieneko normalizatua 4
9	LOUren 83. artikularen arabeko kontratuetan parte hartzea	0,1		
10	Komunikazioak edo posterrak nazioarteko biltzarretan	0,5		
11	Komunikazioak edo posterrak Espainiako biltzarretan.	0,3		
12	Ikastaroak	Gehieneko puntuazioa 4		
13	Mugikortasuna	Gehieneko puntuazioa 4		
14	Hizkuntzak	Gehieneko puntuazioa 4		

Argitalpenak eta komunikazioak: onartu direla edo argitaratu direla egiaztatu behar da. Biltzarretako akta liburuak ez dira argitalpen gisa puntuatuko, nahiz eta ISBNa eduki.

Biltzarretara joatea baina bertan parte ez hartzea ikastaroen atalean hartuko da kontuan.

Proiektuak: eskatzailea ofizialki proiektuaren ikerketa-taldeko edo lantaldeko kide dela egiaztatu behar da, proiektuaren erakunde arduraduna Nafarroako Unibertsitate Publikoa denean izan ezik; kasu horretan, proiektuaren eta deialdiaren datuak adieraziko dira, dokumentazioa errazago topatzeko. Ez dira baliozkoak izanen proiektuaren ikertzaile arduradunak emandako ziurtagiriak.

Kontratuak: LOUren 83. artikulua araberako kontratuaren atxikpenak baloratuko dira soilik, betiere taldekide gisa agertzen badira kontratuaren testuan edo beka edo lan kontratu bat izan baldin badute.

Merezimendu bakoitza behin bakarrik puntuatuko da, eta ezin izanen da merezimendu bera bi apartatutan aurkeztu.

Merezimenduen kalkularen xehetasunak

Kasu guztietan, onetsitako edo argitaratutako ekarpenak hartuko dira aintzat. Proiektu, ikastaro eta abarretako parte-hartzea behar bezala dokumentatu behar da.

Agiriz egiaztatutako merezimenduak bakarrik baloratuko dira.

Ez dira kontuan hartuko egiaztatze eskumena eskuordetua ez daukaten pertsonak, organoak edo erakundeak jaulkitzen dituzten agiriak.

Hauek hartuko dira kontuan: biltzarretako argitalpenak, komunikazioak edo posterrak, eta finantzaturiko ikerketa-proiektuetako parte-hartzea. Ekarpene bakoitza honela baloratuko da: nazioarteko aldizkarietako artikulak, 1,6 puntu; nazioarteko liburuak osorik, 1,6 puntu; nazioarteko liburuak osorik, 0,8 puntu; nazioarteko aldizkarietako artikulak edo nazioarteko liburuetako kapituluak, 0,4 puntu; beste argitalpen batzuk, 0,2 puntu; nazioarteko biltzarretarako komunikazioak edo posterrak, 0,5 puntu; nazioarteko biltzarretarako komunikazioak edo posterrak, 0,3 puntu; Europar Batasuneko proiektuetan parte hartzea, 1 puntu; Plan Nazionalen proiektuetan edo parekatuetan parte hartzea, 0,75 puntu; Autonomia Erkidegoko proiektuetan parte hartzea, 0,5 puntu; LOUren 83. artikulua araberako kontratuetan parte hartzea, 0,1 puntu. Argitalpenen atalean hobekien balioesten den eskatzaileari 0,3 puntu emango zaizkio, 0,2 biltzarren atalean hobekien balioesten denari, eta 0,2 proiektuen parte hartzeagatik atalean hobekien balioesten denari. Azkenik, ekarpen mota bakoitzari dagozkion balio partzialak batuko dira.

Ikerketarako interesekoak diren prestakuntzako zenbait ikastaro: 2 puntu gehienez.

- 0,4 puntu, ikastaroko 10 orduko.
- Jardunaldietara eta biltzarretara joateagatik eguneko 6 ordu zenbatuko dira. Iraupena zehazten ez bada, 10 ordu zenbatuko dira.

Mugikortasuna: 10 hilabeteko egonaldia zenbatuko da gehienez jatorrizko erakundea ez den beste batean egindako egonaldiagatik (egonaldia Nafarroako Unibertsitate Publikoan egin duten ikasleei ere zenbatuko zaie). 0,4 puntu emanen dira egonaldiaren hilabete bakoitzeko. Puntuazioa gehienez: 2 puntu.

Hizkuntzak: 4 puntu gehienez zenbatuko dira hizkuntza-maila hauek egiaztatuz gero:

- C1 2 puntu
- B2 1,6 puntu
- B1 1,2 puntu
- A2 0,8 puntu
- A1 0,4 puntu